





分類補註李太白詩卷之十三

寄二十五首

安陸白兆山桃花岳寄劉侍御

一作

春歸桃花岳  
貽許侍御



雲卧三十年好閑復愛仙蓬壺雖冥絕鸞鶴  
心悠然歸來桃花岳得憇雲窓眠對嶺人共  
語飲潭猿相連時昇翠微上邈若羅浮巔兩  
峯抱東壑一嶂橫西天樹雜日易隱崖傾月



難圓芳草換野色飛蘿搖春煙入遠構石室  
選幽開山田獨此林下意杳無區中緣永辭

霜臺客千載方來旋齊賢曰桃花品在安陸

疏曰未及頂上在傍坡陀處名  
翠微一云上氣青栗色曰翠微

### 淮南卧病書懷寄蜀中趙徵君蕤

吳會一浮雲飄如遠行客功業莫從就歲光

屢奔迫良圖俄棄捐衰疾乃綿劇古琴藏虛

匣長劔挂空壁楚冠懷鍾儀越吟比莊舄國

門遙天外鄉路遠山隔朝憶相如臺夜夢子

雲宅旅情初結緝秋氣方寂歷風入松下清

露出草間白故人不可見幽夢誰與適寄書

西飛鴻贈爾慰離析齊賢曰左傳晉侯見鍾

誰也對曰鄭人所獻楚囚也使稅之陳軫傳  
越人莊寫仕楚執珪有頃而病王使人聽之  
猶尚越聲相如琴臺  
在城都沅溪海安寺

### 寄弄月溪吳山人

嘗聞龐德公家住洞湖水終身棲鹿門不入



襄陽市夫君弄明月滅景清淮裏高蹤邈難  
追可與古人比清揚杳莫覩白雲空望美待

號辭人間携手訪松子

齊賢曰後漢逸民傳龐公南郡襄陽人居

現山之南未嘗入城府劉表數延請不能屈後携妻子登鹿門山因採藥不反襄陽記鹿門山舊名蘇嶺山建武中習郁立神祠於山刻二石龜夾神道口俗呼鹿門廟因以名山

秋山寄衛尉張卿及王徵君

會稽

何以折相贈白花青桂枝月華若夜雪見此  
令人思雖然剡溪興不異山陰時明發懷二

子空吟招隱詩

齊賢曰郭璞曰桂白花常生山峯冬夏常青

望終南山寄紫閣隱者

長安

出門見南山引領意無限秀色難為名蒼翠  
日在眼有時白雲起天際自舒卷心中與之  
然託興每不淺何當造幽人滅跡棲絕巘

山峯

夕霽杜陵登樓寄韋繇

浮陽滅霽景萬物生秋容登樓送遠目伏檻  
觀群峯原野曠超緬關河紛雜重清暉映竹



日翠色明雲歲蹈海寄遐想還山迷舊蹤徒  
然迫晚暮未果諧心曾結桂空佇立折麻恨  
莫從思君達永夜長樂聞踈鍾

齊賢曰漢五年治長樂宮

秋夜宿龍門香山寺奉寄王方城十

七丈奉國營上人從弟幼成令問

洛陽

朝發汝海東暮棲龍門中水寒夕波急木落  
秋山空望極九霄迴賞幽萬壑通目皓沙上  
月心清松下風玉斗橫網戶銀河耿花宮興

在趣方逸歡餘情未終鳳駕憶王子虎溪懷  
遠公桂枝坐銷歇棣華不復同流恨寄伊水

盈盈焉可窮

齊賢曰水經汝水出河南梁縣河南縣有龍門山

春日獨坐寄鄭明府

鷺麥青青遊子悲河堤溺柳鬱金枝長條一

拂春風去盡日飄揚無定時我在河南別離

久那堪坐此對窓牖情人道來竟不來何人

共醉新豐酒

齊賢曰鬱金似薑黃言柳枝似鬱金之黃耳新豐事見前



寄淮南友

紅顏悲舊國青歲歇芳洲不待金門詔空持  
寶劍遊海雲迷驛道江月隱鄉樓復作淮南  
客因逢桂樹留

齊賢曰青歲猶言青春也

沙丘城下寄杜甫

我來竟何事高卧沙丘城城邊有古樹日夕  
連秋聲魯酒不可醉齊歌空復情思君若汶  
水浩蕩寄南征

齊賢曰趙沙丘言在鉅鹿此沙丘在魯汶水在魯汝陽縣

聞丹丘子於城北營石門幽居中有  
高鳳遺跡僕離群遠懷亦有棲遁之  
志因叙舊以寄之

春華滄江月秋色碧海雲離居盈寒暑對此  
長思君思君楚水南望君淮山北夢魂雖飛  
來會面不可得疇昔在嵩陽同衾卧羲皇綠  
蘿笑簪紱丹壑羨巖廊晚途各分析乘興任  
所適僕在鴈門關君爲峨眉客心懸萬里外



影滯兩鄉隔長劔復歸來相逢洛陽陌陌上  
何喧喧都令心意煩迷津覺路失託勢隨風  
翻以茲謝朝列長嘯歸故園齊賢曰鴈門關  
峨眉山並見前  
故園恣閑逸求古散縹帙久欲入名山婚娶  
殊未畢人生信多故世事豈惟一念此憂如  
焚悵然若有失聞君卧石門宿昔契彌敦方  
從桂樹隱不羨桃花源高風起遐曠幽人跡  
復存松風清瑤瑟溪月湛芳樽安居偶佳賞

丹心期此論

齊賢曰高士傳尚長字子平隱  
不仕爲子嫁娶畢敕家事斷之

勿伏相閑毛詩憂心  
如焚幽人高鳳也

淮陰書懷寄王宗城

再至淮南  
作王宗城

沙墩至梁苑二十五長亭大舶夾雙櫓中流  
鵝鸛鳴雲天掃空碧川岳涵餘清飛鳥從西  
來適與徃興并眷言王喬舄婉變故人情齊賢

曰沙苑縣在同州南梁苑事見前呂居仁語  
錄太白詩如沙墩至梁苑二十五長亭之類  
皆氣蓋一世熟味  
之自不偏淺矣復此親懿會而增交道榮



沿洄且不定飄忽悵徂征暝投淮陰宿欣得  
漂母迎斗酒熟黃雞一餐感素誠予為楚壯  
士不是魯諸生有德必報之千金耻為輕緬  
書羈孤意遠寄棹歌聲齊賢曰韓信為楚王  
召所從食漂母賜千  
金召辱已少年以為  
中尉曰此壯士也

聞王昌齡左遷龍標遙有此寄

楊花落盡子規啼聞道龍標過五溪我寄愁  
心與明月隨風直到夜郎西齊賢曰唐叙州  
本沅州有龍標

武陵有五溪曰雄溪蒲溪酉溪沅  
溪辰溪皆槃瓠子孫夜郎縣隸溱州

寄王屋山人孟大融

我昔東海上勞山餐紫霞親見安期公食棗  
大如瓜中年謁漢主不愜還歸家朱顏謝春  
輝白髮見生涯所期就金液飛步風雲車願  
隨夫子天壇上閑與仙人掃落花齊賢曰金  
液丹法見

前天壇在王屋山張  
仙人之居在其南

憶舊遊寄譙郡元參軍金陵



憶昔洛陽董糟丘爲余天津橋南造酒樓黃  
金白璧買歌笑一醉累月輕王侯海內賢豪  
青雲客就中與君心莫迎過山轉海不作難  
傾情倒意無所惜我向淮南攀桂枝君留洛  
北愁夢思不忍別還相隨相隨迢迢訪山城  
三十六曲水迴滌一溪初入千花明萬壑度  
盡松風聲齊賢曰古詩云一笑銀鞍金絡倒  
平地漢東太守來相迎紫陽之真人邀我吹

玉笙餐霞樓上動仙樂嘈然宛似鸞鳳鳴袖  
長管催欲輕舉漢中太守醉起舞手持錦袍  
覆我身我醉橫眠枕其股當筵意氣凌九霄  
星離雨散不終朝分飛楚關山水遙余旣還

山尋故巢君亦歸家渡渭橋齊賢曰唐隋州

傅曰紫陽真人周義山字季通沙陰人漢丞  
相勃七世孫常以旦日出面東嗽口服氣隋  
州紫陽先生有食霞樓太白夕夜於食霞樓  
送煙子元演隱仙城山序曰入神農之故鄉  
得胡公之精術胡公身揭日月心飛蓬萊起  
食霞之孤樓鍊吸景之精氣延我數子高談



混元金書王訣盡在此矣白乃語及形勝紫陽因大誇仙城元侯聞之乘輿將往樂書有玉磬玉鼓玉簫玉笛當亦有玉笙也荆楚家州記其北有四關魯陽伊闕之屬也

嚴君勇貔虎作尹并州遏戎虜五月相呼度

太行摧輪不道羊腸苦行來北涼歲月深感

君貴義輕黃金瓊杯綺食青玉案使我醉飽

無歸心時時出向城西曲晉祠流水如碧玉

浮舟弄水簫鼓鳴微波龍鱗莎草綠齊賢曰唐并州

太原郡開元十一年升太原府太行山在懷州河內縣呂氏春秋曰太行羊腸其山盤紆

如羊腸楚漢春秋淮陰侯曰臣去項歸漢漢王賜臣玉案之食晉祠即臺駘祠也興

來携妓恣經過其若楊花似雪何紅粧欲醉

宜斜日百尺清潭寫翠娥翠娥嬋娟初月輝

美人更唱舞羅衣清風吹歌入空去歌曲自

繞行雲飛此時行樂難再遇西遊因獻長楊

賦北闕青雲不可期東山白首還歸去齊賢曰列

子薛談學謳於秦青辭歸餞於效衢撫節悲歌聲振林木響遏行雲楊雄從上至長楊射

熊館還上長楊賦以諷王贊曰漢高帝紀蕭何治未央宮立東闕北闕師古曰未央殿雖



南嚮而上書奏事謁見之徒皆謁北關公渭  
車司馬亦在北馬是則以北關為正門  
橋南頭一遇君鄼臺之北又離群問余別恨  
知多少落花春暮爭紛紛言亦不可盡情亦  
不可極呼兒長跪緘此辭寄君千里遙相憶  
齊賢曰高陵縣在京北府東北七十里  
有渭橋鎮鄼唐亳州譙郡鄼縣也又漢南陽郡鄼縣蕭何所封

月夜江行寄崔貞外宗之

飄飄江風起蕭颯海樹秋登艫美清夜挂席

移輕舟月隨碧山轉水合青天流杳如星河  
上但覺雲林幽歸路方浩浩徂川去悠悠徒  
悲蕙草歇復聽菱歌愁岸曲迷後浦沙明瞰  
前洲懷君不可見望遠增離憂

舳舟尾  
艫船頭

齊賢曰江賦  
舳艫相屬註

宿白鷺洲寄楊江寧

朝別朱雀門暮棲白鷺洲波光搖海月星影  
入城樓望美金陵宰如思瓊樹憂徒令覓入



夢翻覺夜成秋綠水解人意為余西北流因  
聲玉琴裏蕩漾寄君愁齊賢曰朱雀門建康南門又有朱雀橋賞  
心亭舊名二水亭其前曰白鷺亭在水西門  
城上史正志碑云秦淮源句容漂水兩山間  
自方山合流置建康貫城中而西以達于江  
秦淮於府之左分為二支一支入城一支繞  
城外共夾一洲曰白鷺即太白所謂二水中  
分白鷺洲者也續齊諧記王彥伯善琴至吳  
郵亭維舟中者秉燭理琴見一女坐於東床  
取琴調之乃楚光明曲遲明女取錦綉贈別  
彥伯以玉琴  
答之而去

### 新林浦阻風寄友人

一云金陵阻風雪書懷寄揚江

寧齊賢曰謝元暉有云宣城出新林  
浦向板橋浦鄠善長水經三山入湘  
浦又北經新林浦水上南北  
結浮橋渡水故曰板橋浦

潮水定可信天風難與期清晨西北轉薄暮

東南吹以此難挂席佳期益相思齊賢曰浙江潮候時

刻皆不差見前海月破圓影菰蔣生綠池昨日北湖

梅開花已蒲枝今朝東門柳夾道垂青絲王贊

曰說文雕菰一名蔣或作菰爾雅翼菰首者  
菰蔣三年以上心中生孔如藕至秋如小兒  
臂可蒸食其有黑點者名烏鬻即今芡也歲物忽如此我來定幾



時紛紛江上雪草草客中悲明發新林浦空  
吟謝朓詩齊賢曰謝玄暉之宣城出新林浦  
詩云天際識歸舟雲中辨江樹

寄韋南陵冰余江上乘興訪之遇尋

顏尚書笑有此贈

南船正東風北船來自緩江上相逢借問君  
語笑未了風吹斷聞君携妓訪情人應爲尚  
書不顧身堂上三千珠履客甕中百斛金陵  
春恨我阻此樂淹留楚江濱月色醉遠客山

不開欲然春風狂殺人一日劇三年乘興嫌  
太遲焚却子猷船夢見五柳枝已堪挂馬鞭  
何日到彭澤長歌陶令前齊賢曰尚書顏尚  
書金陵春酒也

題情深樹寄象公

腸斷枝上猿淚添山下樽白虎見我去亦爲  
我飛翻齊賢曰猿斷  
腸事見前卷

北山獨酌寄韋六

巢父將許由未聞買山隱道存跡自高何憚



去人近

齊賢曰世說支遁就深公買仰紛吾山深公曰未聞巢父買山而隱

下茲嶺地閑喧亦泯門橫群岫開水繫衆泉

引屏高而在雲竇深莫能準川光晝昏疑林

氣夕凄緊於焉摘朱果兼得養玄牝坐月觀

寶書拂霜弄瑤軫傾壺事幽酌顧影還獨盡

念君風塵游傲爾令自哂

王贊曰朱果者火棗之異名也老子

道德經曰谷神不死是謂玄牝玄牝之門是謂天地根註曰不死之神在於玄牝玄天也於人為鼻牝地也於人為口口鼻之門乃通天地之元氣所從往來

### 寄當塗趙少府炎

晚登高樓望木落雙江清寒山饒積翠秀色

連州城目送楚雲盡心悲胡鴈聲相思不可

見迴首故人情

### 寄東魯二稚子

在金陵作

吳地桑葉綠吳蠶已三眠我家寄東魯誰種

龜陰田春事已不及江行復茫然南風吹歸

心飛墮酒樓前

齊賢曰荀卿賦篇曰三俯三起事乃大已夫是謂之蠶理



註俯為卧而不食乃三眠也左傳齊人來歸  
鄆謹龜陰田春事謂蠶農也廣記曰太白於  
任城縣造酒樓其居在酒樓前樓東一株桃枝葉拂青煙此  
樹我所種別來向三年桃今與樓齊我行尚  
未旋嬌女字平陽折花倚桃邊折花不見我  
淚下如流泉小兒名伯禽與姊亦齊肩雙行  
桃樹下撫背復誰憐念此失次第肝腸日憂  
煎裂素寫遠意因之汶陽川齊賢曰白於任  
城造酒樓日與  
同志荒宴其上少有醒者時邑  
人以白重名室其里而加敬

獨酌清溪江石上寄權昭夷秋浦  
我携一樽酒獨上江祖石自從天地開更長  
幾千尺舉杯向天笑天迴日西照永賴坐此  
石長垂嚴陵釣寄謝山中人可與爾同調齊賢

曰池州  
治秋浦  
禪房懷友人岑倫時南游羅浮兼泛  
桂海自春祖秋不  
返僕旅江外  
書情寄之

嬋娟羅浮月搖艷桂水雲美人竟獨往而我



安能群一朝語笑隔萬里懽情分沈吟綵霞  
沒夢寐群芳歇歸鴻渡三湘遊子在百粵邊  
塵染衣劔白日彫華髮齊賢曰漢地理志臣  
瓚注自交趾至會稽  
七八千里百粵  
雜處各有種姓春風變楚關秋聲落吳山草  
木結悲緒風沙淒苦顏竭來已永久頽思如  
循環飄飄限江裔想像空留滯離憂每醉心  
別淚徒盈袂坐愁青天末出望黃雲蔽齊賢  
曰淮  
南子曰黃泉之  
埃上為黃雲目極何悠悠梅花嶺頭空長

滅征鳥水闊無還舟寶劔終難託金囊非易  
求歸來儻有問桂樹山之幽齊賢曰楚辭云  
桂樹叢生兮山

幽之

分類補註李太白詩卷之十三



分類補註李太白詩卷之十四

寄二十五首

廬山謠寄盧侍御虛舟

我本楚狂人鳳歌笑孔丘手持綠玉杖朝別

黃鶴樓五嶽尋仙不辭遠一生好入名山遊

齊賢曰論語楚狂接輿歌而過孔子曰鳳兮鳳兮何德之衰漢制年七十者授以玉杖杖

端以鳩為飾士贊曰論語正義曰接輿楚人姓陸名通字接輿佯狂不仕時人謂之楚狂

也廬山秀出南斗傍屏風九疊雲錦張影落



明湖青黛光金闕前開二峯長銀河倒挂三  
石梁香爐瀑布遙相望迴崖沓嶂凌蒼蒼翠  
影紅霞映朝日鳥飛不到吳天長齊賢曰江  
州廬山以  
匡裕隱此而名高一千三百六十丈周回二  
百五十里其山九疊川亦九派迷異記吳猛  
將弟子登廬山過石梁見一老坐桂樹下以  
玉杯承甘露與猛廬山記南北有瀑布無慮  
十餘處香爐峯與雙劍峯在瀑布之傍水源  
在山頂或曰西為康王谷水簾東為開元禪  
院之瀑布登高壯觀天地間大江茫茫去不還黃  
雲萬里動風色白波九道流雪山好為廬山

謠興因廬山發閑窺石鏡清我心謝公行處

蒼苔沒

齊賢曰潯陽記石鏡山東有一圓石  
懸崖明淨照人見形謝公謝靈運也

入彭蠡湖口詩曰攀崖  
照石鏡牽葉入松門

早服還丹無世情琴

心三疊道初成遙見仙人綵雲裏手把芙蓉

朝玉京先期汗漫九垓上願接盧敖遊太清

齊賢曰黃庭內景經三疊琴心化胎仙淮南  
子若士謂盧敖曰吾與汗漫期于九垓之外

又太清之治也  
和順以寂寞

下尋陽城汎彭蠡寄黃判官



浪動灌嬰井尋陽江上風開帆入天鏡直向  
彭湖東落景轉踈雨晴雲散遠空名山發佳  
興清賞亦何窮石鏡挂遙月香爐滅彩虹相  
思俱對此舉日與君同齊賢曰寰宇記漢高  
六年灌嬰開井年深  
湮塞孫權經此自標此地命工鑿之正得此  
井有石銘曰淮陰侯開不滿三百年當為應  
運者所開權以為已瑞江有風浪此水輒白  
漂動士人呼為浪井今在城內彭湖即彭蠡

書情寄從弟邠州長史昭

自笑客行久我行定幾時綠楊已可折攀取

最長枝翩翩弄春色延佇寄相思誰言貴此  
物意願重瓊鞋昨夢見惠連朝吟謝公詩東  
風引碧草不覺生華池臨翫忽云夕杜鵑夜  
鳴悲懷君芳歲歇庭樹落紅滋齊賢曰古詩  
庭中有奇樹  
綠葉發華滋攀條折其榮將以遺  
所思謝靈運夢惠連事見前卷

寄王漢陽

南湖秋月白王宰夜相邀錦帳郎官醉羅衣  
舞女嬌笛聲喧沔鄂歌曲上雲霄別後空愁



我相思一水遙

齊賢曰漢儀郎官給錦帳綉被隋大業中改沔口為沔州

春日歸山寄孟浩然

朱紱遺塵境青山謁梵筵金繩開覺路寶筏  
度迷川嶺樹攢飛拱岳花覆谷泉塔形標海  
月樓勢出江煙香氣三天下鐘聲萬壑連荷  
秋珠已滿松密蓋初圓鳥聚疑聞法龍參若  
護禪愧非流水韻叨入伯牙絃

齊賢曰法華經云黃金為

繩以界入道列子曰伯牙鼓琴志在流水鍾子期曰善哉洋洋兮若江河士贊曰方言蕓

謂之筏編竹木浮河以運物南土名蕓北土名筏博經六祖得衣鉢五祖送六祖上船云只合吾度汝六祖答云迷時師度悟了自度道經三天者清微天禹餘天太赤天也

流夜郎永華寺寄潯陽群官

朝別凌煙樓暝投永華寺賢豪滿行舟賓散  
予獨醉願結九江流添成萬行淚寫意寄廬  
嶽何當來此地天命有所懸安得苦愁思

齊賢

曰太宗正觀十七年二月圖功臣于凌煙閣唐江州潯陽郡本九江郡

流夜郎至西塞驛寄裴隱



揚帆借天風水驛苦不緩平明及西塞已先

投沙伴迴巒引羣峯橫蹙楚山斷齊賢曰西塞山在鄂

州砢披米切衝萬壑會震杳百川蒲龍怪潛溟

波候時救炎旱我行望雷雨安得沾枯散鳥

去天路長人愁春光短空將澤畔吟寄爾江

南管齊賢曰砢水激岩之聲

自漢陽病酒歸寄王明府

去歲左遷夜郎道琉璃硯水長枯槁今歲勅

放巫山陽蛟龍筆翰生輝光聖主還聽子虛

賦相如却與論文章願掃鸚鵡洲與君醉百

場嘯起白雲飛七澤歌吟淥水動三湘莫惜

連船沽美酒千金一擲買春芳齊賢曰師古曰降秩為左

遷巫山縣在夔東鸚鵡洲七澤淥水曲三湘並見前

望漢陽柳色寄王宰

漢陽江上柳望客引東枝樹樹花如雪紛紛

亂若絲春風傳我意草木別前知寄謝弦歌



宰西來定未遲

士贊曰師古曰紛紛雜亂也

### 江夏寄漢陽輔錄事

誰道此水廣狹如一匹練江夏黃鶴樓青山  
漢陽縣大語猶可聞故人難可見君草陳琳  
檄我書魯連箭報國有壯心龍顏不迴眷齊賢  
日唐郢州江夏郡治江夏縣黃鶴樓在郡城  
之東南與漢陽縣大別山相望止隔一水陳  
琳為袁紹檄豫州又為曹操檄魯連書箭見二卷註西飛精衛鳥東海  
何由填鼓角徒悲鳴樓船習征戰抽劔步霜

月夜行空庭徧長呼結浮雲埋沒顧榮扇他

日觀軍容投壺接高宴

齊賢曰精衛填海事見前晉廣陵相陳敏

文以顧榮為丹陽內史榮潛謀攻敏敏不復  
濟榮以羽扇麾之其衆潰散唐有觀軍容使  
東漢書祭遵為將軍對酒設樂必雅歌投壺

### 早春寄王漢陽

聞道春還未相識走傍寒梅訪消息昨夜東  
風入武陽陌頭楊柳黃金色碧水浩浩雲茫  
茫美人不來空斷腸預拂青山一片石與君



連日醉壺觴

江上寄巴東故人

漢水波浪遠巫山雲雨飛東風吹客夢西落  
此中時覺後思白帝佳人與我違瞿塘饒賈  
客音信莫令稀

齊賢曰白帝城在舊夔州  
瞿塘關山上下瞰灩澦堆

江上寄元六林宗

霜落江始寒楓葉綠未脫客行悲清秋永路  
苦不達滄波眇川汜

音似白日隱天末停棹依

林巒驚猿相叫聒夜分河漢轉起視溟漲闊  
涼風何蕭蕭流水鳴活活浦沙淨如洗海月  
明可掇蘭交空懷思瓊樹詎解渴勗哉滄洲  
心歲晚庶不奪幽賞頗自得興遠與誰豁

寄從弟宣州長史昭

爾佐宣州郡守官清且閑常誇雲月好邀我  
敬亭山五落洞庭葉三江遊未還相思不可  
見歎息損朱顏

齊賢曰唐百官志上州刺史  
一人從三品別駕一人從四



品下長史三人從五品則長史州佐也敬亭山及三江並見前

涇溪都郡寄鄭少府諤宣城

我遊東亭不見君沙上行將白鷺群白鷺行時散飛去又如雪點青山雲欲往涇溪不辭遠龍門蹙波虎轉眼杜鵑花開春已闌歸向陵陽釣魚晚齊賢曰東亭在宣州郡國圖云涇縣在宣州西一百五里閩州鶴林寺杜鵑花高丈餘貞元中有僧自天台移種之九域志宣州有陵陽山乃仙人陵陽竇子明釣得白龍放之之地

宣州九日聞崔四侍御與宇文太守

遊敬亭余時登響山不同此賞醉後

寄崔侍御二首

九日茱萸熟插髮傷早白登高望山海滿目

悲古昔遠訪投沙人因為逃名客故交竟誰

在獨有崔亭伯齊賢曰風上記云俗於九月九日折茱萸房以插頭言辟邪惡續齊諧記桓景隨費長房行數年長房忽謂曰九月九日汝家當有大災可速去令家人作絳囊盛茱萸繫臂登高以飲菊花酒此禍可消景如其言舉家登高夕還見牛羊



雞犬皆暴死崔駰字亭伯涿郡安平人為黃憲主簿憲不能容出為長岑長駰自以遠去不得意遂不之官而歸重陽不相知載酒任所適手持

一枝菊調笑二千石日暮岸幘歸傳呼隘阡

陌形襜雙白鹿賓從何輝赫夫子在其間遂

成雲霄隔齊賢曰漢太良辰與美景兩地方

虛擲晚從南峯歸蘿月下水壁却登郡樓望

松色寒轉碧咫尺不可親棄我如遺鳥齊賢曰謝

靈運曰良辰美景賞心樂事四者難并

其二

九卿天上落五馬道傍來列戟朱門曉褰帷

碧帳開登高望遠海召客得英才紫綬歡情

洽黃花逸興催山從圖上見溪即鏡中迴遙

羨重陽作應過戲馬臺齊賢曰賈璩為冀州刺史之部升車曰刺

史當遠視廣覺何反垂帷裳以自掩命御者

至今相承以為故事士贇曰

寄崔侍御



死溪霜夜聽猿愁去國長如不繫舟獨憐一

鴈飛南海却羨雙溪解北流齊賢曰宣州南陵縣有死陵監

即死溪高人屢解陳蕃榻過客難登謝眺舟此

處別離同落葉朝朝分散敬亭秋齊賢曰陳蕃為豫章

守不接賓客唯徐孺來特設一榻去則懸之

涇溪南藍山下有落星潭可以卜築

余泊舟石上寄何判官昌浩

藍岑聳天壁突兀如鯨額奔蹙橫澄潭勢吞

落星石沙帶秋月明水搖寒山碧佳境宜緩

棹清輝能留客恨君阻歡遊使我自驚惕所

期俱卜築結茅鍊金液齊賢曰藍岑隸涇縣去宣州西一百里

早過漆林渡寄萬巨

西經大藍山南來漆林渡水色倒空青林煙

橫積素漏流昔吞翕沓浪競奔注潭落天上

星龍開水中霧嶢巖注公柵突兀陳焦墓嶺

峭紛上千川明屢迴顧因思萬夫子解渴同



瓊樹何日覩清光相歡詠佳句

齊賢曰大藍山即前藍岑

也李陵詩思得瓊樹枝以解長飢渴士贇曰毛詩箋曰回首曰顧

遊敬亭寄崔侍御

一本作登古城望府中寄崔侍御

我家敬亭下輒繼謝公作相去數百年風期

宛如昨登高素秋月下望青山郭俯視鴛鴦

群飲啄自鳴躍

齊賢曰謝玄暉敬亭山寺云茲山亘萬里合沓與雲齊隱

淪既已記靈異俱然棲上干蔽白日下屬帶迴溪

夫子雖蹭蹬瑤臺

雪中鶴獨立窺浮雲其心在寥廓時來顧我

笑一飯葵與藿世路如秋風相逢盡蕭索腰

間玉具劔意許無遺諾壯士不可輕相期在

雲閣

齊賢曰蹭蹬失勢之貌寥深也廓空也木草鳥葵美食即苜蓿也

三山望金陵寄殷淑

三山懷謝眺水澹望長安蕪沒河陽縣秋江

正此看盧龍霜氣冷鷓鴣月光寒耿耿憶瓊

樹天涯寄一顏

齊賢曰丹陽記江寧北十二里濱江有三山相接即名三

山謝玄暉晚登三山還望京邑唐平州北平郡治盧龍縣鷓鴣觀在雲陽甘泉官外



自金陵沂流過白壁山翫月達天門

寄句容王主簿

滄江沂流歸白壁見秋月秋月照白壁皓如  
山陰雪幽人停宵征賈客忘早發進帆天門  
山迴首牛渚沒川長信風來日出宿霧歇故  
人在咫尺新賞成胡越寄君青蘭花惠好庶

不絕

齊賢曰郡國志天門亦曰峨眉山東與  
地志傳望梁山東西隔江相對如門

寄上吳王三首

淮王愛八公携手綠雲中小子忝枝葉亦攀

丹桂叢謬以詞賦重而將牧馬同何日背淮

水東之觀士風

齊賢曰淮南八公及梁牧馬  
事並見前太白興聖皇帝九

世孫與唐同出  
故云忝枝葉

其二

坐嘯廬江靜閑聞進玉觴去時無一物東壁

挂胡床

齊賢曰廬州廬江郡魏裴替為兗州  
時嘗作一胡床及其去世留以若挂

其三



英明廬江守聲譽廣平籍洒掃黃金臺招邀  
青雲客客曾與天通出入清禁中襄王憐宋  
玉願入蘭臺招齊賢曰謝朓詩廣平聽方籍  
註鄭玄為中郎曾廣平太守  
缺宣帝謂玄曰賢叔垂稱於平  
陽故後相屈黃金臺事見前

分類補註李太白詩卷之十四

分類補註李太白詩卷之十五

留別

秋日魯郡堯祠亭上宴別杜補闕范

侍御

我覺秋興逸誰云秋興悲山將落日去水與  
晴空宜魯酒白玉壺送行駐金羈歌鞍憇古  
木解帶挂橫枝歌鼓川上亭曲度神飈吹本一

無此兩句却添南歌憶郢客東傳見齊姬清  
波忽淡蕩白雪紛逶迤一隔范杜遊此權各



棄遺三韻雲歸碧海夕鴈沒青天時相失各萬里

茫然室爾思齊賢曰十洲記

碧海在東海中

### 別魯頌

誰道泰山高下却魯連節誰云秦軍眾摧却  
魯連舌獨立天地間清風掃蘭雪夫子還個  
儻攻文繼前烈錯落石上松無為秋霜折贈  
言鏤寶刀千歲庶不滅士贇曰魯仲連事見前卷

### 別中都明府兄

吾兄詩酒繼陶君試宰中都天下聞東樓喜  
奉連枝會南陌愁為落葉分城隅綠水明秋  
日海上青山隔暮雲取醉不辭留夜月鴈行

中斷惜離群齊賢曰陶君指淵明唐中都縣隸鄆州禮記兄之齒鴈行

夢遊天姥吟留別一作別東魯諸公

海客談瀛洲煙濤微茫信難求越人語天姥  
雲霓明滅或可覩天姥連天向天橫勢拔五  
嶽掩赤城天台四萬八千丈對此欲倒東南



傾我欲因之夢吳越一夜飛度鏡湖月

齊賢曰瀛

洲事見前處州麗水縣有天姥山與括蒼山相連石壁上有字高不可識春月則聞簫鼓笳吹四蕃志天台山高一萬八千丈周圍八百里

湖月照我影送我

至剡溪謝公宿處今尚在淥水蕩漾清猿啼

脚着謝公屐身登青雲梯半壁見海日空中

聞天雞齊賢曰謝靈運移籍會稽脩營舊業傍山帶江盡幽居之美尋山涉嶺嘗

着木屐士贇曰剡溪即剡中玄中記桃都山有大樹曰桃都枝相去三千里上有天雞日初出照此木天雞即鳴天下雞皆隨之

千巖萬轉路不定迷花

倚石忽已暝熊咆龍吟殷巖泉慄深林兮驚

層巔雲青青兮欲雨水澹澹兮生煙

齊賢曰世說顧

長康從會稽還云千岩競秀萬壑爭流

列缺霹靂丘巒崩摧洞

天石扇訇然中開青冥浩蕩不見底日月照

耀金銀臺

齊賢曰唐正觀中華陰雲臺觀法師隨長公弼行三千里援蘿攀葛

至一石壁削成高千餘仞下臨無底之谷一徑闊數寸法師隨公弼側足而立公弼乃以指扣石壁中有人問曰為誰對曰某遂劃然開一門中有天地日月法師隨公弼入因闔門則又成霓為衣兮風為馬雲之君兮紛紛石壁矣



而來下虎鼓瑟兮鸞回車仙之人兮列麻忽  
魂悸以魄動况驚起而長嗟惟覺時之枕席  
失向來之煙霞齊賢曰說文悸心動也世間行樂亦如

此古來萬事東流水別君去時何時還且放

白鹿青崖間須行即騎訪名山安能摧眉折

腰事權貴使我不得開心顏士贇曰衛叔卿騎白鹿事見前

集仙傳西王母遣使白虎之神乘白鹿集于黃帝之庭

### 留別曹南群官之江南

我昔釣白龍放龍溪水傍道成本欲去揮手

凌蒼蒼時來不關人談笑遊軒皇獻納少成

事歸休辭建章齊賢曰陵陽山竇子事見前十年罷

西笑覽鏡如秋霜閉劔琉璃匣鍊丹紫翠房

身佩豁落圖腰垂虎盤囊仙人駕綵鳳志在

窮遐荒齊賢曰桓子新論人有聞長安之樂則出門西向而笑神仙傳安期先生

乘麒麟着朱玄遠遊冠帶玉珮及虎頭鞞囊年二十許張老與妻劉氏赴蓬萊公騎一鳳

餘騎鶴河東而去士贇曰集仙傳西王母所居宮闕在龜山有城九層玄室紫翠丹房左



帶瑤池右戀子四五人徘徊未翱翔東流送

白日驟歌蘭蕙芳仙宮兩無從人間又摧藏

范蠡說勾踐屈平去懷王飄飄紫霞心流浪

憶江鄉愁為萬里別復此一銜觴齊賢曰范蠡事句踐

滅吳報會稽之耻為書辭句踐乃裝其輕寶珠玉自與其私徒屬乘舟浮海以行終不反

越句踐表會稽山為蠡奉淮水帝王州金陵

邑屈平去懷王事見前繞丹陽樓臺照海色衣馬搖川光及此北望

君相思淚成行朝雲落夢渚瑤草空高堂帝

子隔洞庭香楓蒲瀟湘齊賢曰夢渚雲夢之渚宮瀟湘洞庭帝子事見前王贊曰按秦淮

水在上元縣南秦始皇時望氣者言金陵有天子氣使朱衣鑿山為瀆懷君路綿邈覽古

以斷地脉改金陵為金陵情淒涼登岳眺百川杳然萬恨長知戀峨眉

去弄景偶騎羊齊賢曰峨眉縣在嘉州

留別于十一兄逖裴十三遊塞垣

太公渭川水李斯上蔡門釣周獵秦安黎元

小魚魏子狗且倫二切兔何足言天張雲卷有時節

五



吾徒莫嘆抵觸藩于公白首大梁野使人悵  
望何可論既知朱亥為壯士且願束心秋毫  
裏蔡趙虎爭血中原當去抱關救公子裴生  
覽千古龍蠶炳文章悲吟雨雪動林木放書  
輟劍思高堂勸爾一杯酒拂爾裘上霜爾為  
我起舞吾為爾楚歌且探虎穴向沙漠鳴鞭  
走馬凌黃河耻作易水別臨岐淚滂沱士贊曰  
公李斯事見三卷魏倭兎易抵羊觸藩羸其

角侯羸薦朱亥與無忌奪晉鄙兵事見前

### 留別王司馬嵩

魯連賣談笑豈是顧千金陶朱雖相越本有  
江湖心余亦南陽子時為梁甫吟蒼山容偃  
蹇白日惜頽侵士贊曰魯仲連陶朱公諸  
葛亮梁甫吟事並見前願

一佐明主功成還舊林西來何所為孤劍託

知音鳥愛碧山遠魚遊滄海深呼鷹過上蔡

賣畚蒲器以向嵩岑他日閑相訪丘中有素

琴齊賢曰李斯牽黃犬出上蔡東門事見前

王猛家貧賤以鬻畚為生常貨畚於洛陽



有一人貴買其春無直可隨我取猛從忽至  
深山見一父老鬚髮皓然據胡床而坐左右  
十人有一人引緣進拜父老曰王公何緣拜  
也乃十倍償直遣人送出回顧乃一高山也

### 還山留別金門知己

好古笑流俗素聞賢達風方希佐明主長揖  
辭成功白日在青天迴光矚微躬恭承鳳凰  
詔歛起雲蘿中清切紫霄迴優游丹禁通君  
王賜顏色聲價凌煙虹齊賢曰鳳凰詔已見前卷註乘輿  
擁翠蓋扈從金城東寶馬驟絕景錦衣入新

豐倚巖望松雪對酒鳴絲桐方學楊子雲獻

賦甘泉宮天書美片善清芬播無窮歸來入

咸陽談笑皆王公齊賢曰太白應制為樂章明皇嘗賜之錦袍新豐及

子雲獻賦並見前一朝去金馬飄落成飛蓬賓友日

踈散玉樽亦成空長才猶可倚不慚世上雄

閑來東武吟曲盡情未終盡此謝知己扁舟

尋釣翁齊賢曰鮑照東武吟詩東武太山下小山名

### 夜別張五



吾多張公子別酌酣高堂聽歌舞銀燭把酒

輕羅霜橫笛弄秋月琵琶彈陌桑龍泉解錦

帶為爾傾千觴齊賢曰推手前曰琵琶引手却曰琵琶陌上桑曲名龍泉劍名

魏郡別蘇明府因北游

魏郡接燕趙美女誇芙蓉淇水流碧玉舟車

日奔衝青樓夾兩岸萬室喧歌鍾天下稱豪

貴遊此每相逢

齊賢曰魏地與燕趙相接趙記曰女子盛飾治容習絲竹

長袖傾絕諸侯兩京新記卓文君臉際常若芙蓉毛詩衛淇澳言漢水之隈也齊書世祖

於樓上施青漆世謂之青樓

洛陽蘇季子劍戟森詞鋒六

印雖未佩軒車若飛龍黃金數百鎰白璧有

幾雙散盡空掉臂高歌賦還叩落魄乃如此

何人不相從遠別隔兩河雲山杳千里何時

更杯酒再得論心曾

齊賢曰史記蘇秦洛陽人字季子去游燕說燕

文侯曰與趙從親於是資秦車馬金帛以行說趙趙肅侯乃飾車百乘黃金百鎰白璧百

雙錦綉千純以約諸侯於是說韓宣惠王魏襄王齊宣王楚威王於是六國從合而并力蘇秦為從約長并相六國北報趙行過洛陽車騎輜重擬於王者秦之昆弟妻嫂不敢仰



視於是散千金以賜宗族朋友初秦之燕貸  
百錢為資及得富貴以百金償之徧報諸嘗  
見德者歸趙趙封為武安君乃投從約書於  
秦秦兵不敢闕函谷關十五年洛陽有邛山

### 留別西河劉少府

秋髮已種種所為竟無成閑傾魯壺酒笑對

劉公榮謂我是方朔人間落歲星白衣千萬

乘何事去天庭齊賢曰王戎詣阮籍時劉公榮在坐既謂王曰偶有二斗

美酒當與君共飲彼公榮者無預焉二人交觴酬酢公榮不得一杯而言笑談論三人無異或問之阮曰勝公榮者不得不與飲不如公榮者不可不與飲唯公榮可不與飲武帝

問大史公知東方朔是歲星事見前君亦不得意高歌羨鴻冥

世人若醯雞安可識梅生雖為刀筆吏緬懷

在赤城余亦如流萍隨波樂休明自有兩少

妾雙騎駿馬行東山春酒綠歸隱謝浮名齊賢

曰醯雞甕中之蠖蟻梅福為南昌尉後得仙

### 潁陽別元丹丘之淮陽

吾將元夫子異姓為天倫本無軒裳契素以

煙霞親嘗恨迫世網銘意俱未伸松栢雖寒



苦羞逐桃李春悠悠市朝間玉顏日緇磷所

共重山岳所得輕埃塵士贊曰穀梁傳兄弟天倫也荀子曰桃李

清粲於一時秋至而後殺至於松柏經隆冬而不凋蒙霜雪而不變可謂得其真矣精

魄漸蕪穢衰老相憑因我有錦囊訣可以持

君身當餐黃金藥去為紫陽賓萬事難並立

百年猶崇晨別爾東南去悠悠多悲辛前志

庶不易遠途期所遵已矣歸去來白雲飛天

津齊賢曰紫陽真人周義山字季通汝陰人常以平旦日出立東水日成氣毛詩曾不

崇朝箋云崇終也士贊曰晉天文志天漢從東方經尾箕之間謂之漢津乃分二道至天津下而合南道乃西南行至七星南而沒

### 留別廣陵諸公淮南二作留別邯鄲故人

憶昔作少年結交趙與燕金羈絡駿馬錦帶

橫龍泉寸心無疑事所向非徒然晚節覺此

踈獵精草太玄空名束壯士薄俗棄高賢士贊

曰師古曰晚節末時也中迴聖明顧揮翰凌雲煙騎虎

不敢下攀龍忽墮天還家守清真孤絜勵秋



蟬鍊丹費火石採藥窮山川卧海不關人租  
稅遼東田乘興忽復起棹歌溪中船臨醉謝  
葛強山公欲倒鞭狂歌自此別垂釣滄浪前  
齊賢曰聖明顧太白供奉翰林時士盡曰晉  
王羲之去官與東土人士盡山水之遊又與  
道士許邁共脩服採藥石又許邁少不慕仕  
進徧遊名山採藥於桐廬之恒山餌木斷穀

廣陵贈別

金瓶沽美酒數里送君還繫馬垂楊下銜杯  
大道問天邊看淶水海上見青山興罷各分

袂何湏別醉顏

感時留別從兄徐王延年從弟延陵

天籟何參差噫然大塊吹玄元包橐籥紫氣  
何透迤七葉運皇化千齡光本支仙風生指  
樹大雅歌螽斯諸王若鸞虬肅穆列藩維哲  
兄錫茅土聖代羅榮滋九卿領徐方七步繼

陳思

齊賢曰唐至肅宗凡七葉神仙傳老子  
之母適至李樹下而生老子生而能言

指李樹曰以此爲我姓毛詩大雅云螽斯后  
妃子孫衆多也註螽斯蚣蝮也草木疏云幽



州謂之春箕蝗類也郭璞註方言云江表呼  
為蚘蝻虬龍無角者鸞神鳥五采毛詩板曰  
价人維藩太師維垣大邦維屏太宗維翰懷  
德維寧宗子維城曹植封陳思王七步成詩  
云煮豆燃豆箕豆在釜中泣本是同根生相  
煎何太急士贇曰玄元指老君也按唐史高  
宗乾封元年丙寅帝封岱岳駕至亳朝謁老  
君御製冊文上尊號曰玄元皇帝聖母為先  
天太后元宗天寶七載戊子上老君尊號曰  
聖祖大道玄元皇帝十三載甲午二月癸酉  
帝朝宴太清宮加上老君尊號曰太聖祖高  
上大道金闕玄元天皇大帝列仙傳老子西  
遊閔令尹喜望見紫氣浮閔老子果乘青牛  
而過閔尹由傳閔令尹喜周大夫也善於天  
文登樓四望見東極有紫氣喜曰應有聖人  
過果見老子過運命論註逶迤行貌爾雅曰

穆穆肅肅敬也書禹貢厥貢惟土五色註曰  
王者封五色土為社建諸侯則名割其方色  
土與之使立社燾以黃土苴以白茅茅取其潔黃取王者覆四方伊昔全盛

日雄豪動京師冠劍朝鳳闕樓船侍龍池鼓

鍾出朱邸金翠照丹墀君王一顧盼選色獻

蛾眉列戟十八年未曾輒遷移大臣小暗鳴

謫竄天南垂長沙不足舞貝錦且成詩齊賢曰唐

室志唐元宗嘗潛龍于興慶宮及即位興慶  
池嘗有一小龍出遊宮外御溝水中奇狀蜿蜒  
後幸蜀前一夕其龍自池中御索雲望西  
南去環列之士率共觀之及上至嘉陵江乘



舟將度見一小龍翼舟而進上謂左右曰此  
吾興慶池中龍也命以酒沃酌上親自祝之  
龍乃自水中振鬣而去史記曰諸侯朝天子  
於天子之所立宅舍曰邸漢宮典職曰丹漆  
地故稱丹墀毛詩萋兮斐兮成是貝錦  
佐郡  
士贇曰書東西垂註垂是遠方之名

浙江西病閑絕驅馳階軒日苔蘚鳥雀噪簷  
帷時乘小肩輿出入畏人知北宅聊偃憇歡  
愉恤惇嫠羞言梁死地烜赫耀旌旗兄弟八  
九人吳秦各分離大賢達機兆豈獨慮安危  
小子謝麟閣鴈行忝肩隨令弟字延陵鳳

出天姿清英神仙骨芬馥芷蘭蕙齊賢曰佐

駕也梁孝王築東苑得賜天子旌旗出從千  
乘萬騎東西馳獵擬於天子曲禮曰五年以  
長則肩隨之謝靈運子超宗有文辭夢得春  
帝嗟賞嘗謂謝莊曰超宗殊有鳳毛

草句將非惠連誰深心紫河車與我特相宜  
金膏猶罔象玉液尚磷緇伏枕寄賓館宛同

清漳湄藥物多見饋珍羞亦兼之誰道溟渤

深猶言淺恩慈鳴蟬遊子意促織念歸期齊賢

曰夢得春草句紫驕陽何火赫海木櫟龍龜  
河車並見前卷



百川盡凋枯舟楫閣中達策馬搖涼月通宵  
出郊圻泣別目眷眷傷心步遲遲願言保明  
德王室佇清夷摻袂何所道援毫投此辭齊賢  
曰爾雅九達謂之達

別儲邕之剡中

借問剡中道東南指越鄉舟從廣陵去水入  
會稽長竹色溪下綠荷花鏡裏香辭若向天  
姥拂石卧秋霜齊賢曰唐剡縣隸越州會稽郡揚州廣陵郡天姥山見前

留別金陵諸公

海水昔飛動三龍紛戰爭鍾山危波瀾傾側  
駭奔鯨黃旗一掃蕩割壤開吳京六代更霸  
王遺跡見都城齊賢曰鍾山見前吳京金陵也士贇曰三龍魏蜀吳也

至今秦淮間禮樂秀群英地扇鄒魯學詩騰  
顏謝名五月金陵西祖余白下亭欲尋廬峰  
頂先遶漢水行香爐紫煙滅瀑布落太清若  
攀星辰去揮手緬含清王贇曰文中子曰江東中國之舊土衣冠



禮樂之所就也永嘉之後江東貴焉史貨殖傳鄒魯俗好儒備於禮漢鄒陽傳鄒魯士以經學顏謝顏延之謝靈運惠連玄暉詩遠計皆先達鄭玄曰行者將行祖祫之祭也白下在上元縣西北廬峰即廬山也香爐峯在城北山南山北皆見其形圓聳常出雲氣故名

口號

食出野田美酒臨遠水傾東流若未盡應見

別離情

齊賢曰呂氏春秋曰水泉東流日夜不休

金陵酒肆留別

風吹白一作門柳花蒲店香吳姬壓酒勸客嘗金

陵子弟來相送欲行不行各盡觴請君試問

東流水別意與之誰短長

齊賢曰白亭在今建康東門外士贇

曰學者若不見古人用意處但得其皮毛所以去之便遠如風吹柳花蒲店香若人復能為此句亦未是太白至于吳姬壓酒勸客嘗壓酒字他人亦難及金陵子弟來相送欲行不行各盡觴益不同請君試問東流水別意與之誰短長至此乃真太白妙處當潛心焉

金陵白下亭留別

驛亭三楊樹正當白下門吳煙暝長條漢水齧古根向來送行處迴首阻笑言別後若見



之爲余一攀翻

齊賢曰唐武德九年更金陵縣曰白下縣白下吳之故都

### 別東林寺僧

東林送客處月出白猿啼笑別廬山遠何煩

過虎溪

齊賢曰東林寺在廬山之南五里許與西林寺相隣規制廣袤若一大縣水石深怪古跡無窮東林三門內有小渠名曰虎溪遠師送客未嘗過溪西林即永法師所居規制稍不及東林

### 竄夜郎於烏江留別宗十六璟

君家全盛日台鼎何陸離斬鰲翼媧皇鍊石

補天維一迴日月顧三入鳳凰池失勢青門

傍種瓜復幾時猶會衆賓客三千光路岐皇

恩雪憤蕙松栢含榮滋

齊賢曰晉志在天爲三台在人爲三公李

善曰陸離參差衆貌許慎云美好貌青門乃長安霸城門漢書邵平故秦東陵侯秦破爲布衣貧種瓜於長安城東美瓜故世俗謂之東陵瓜從邵平以爲名也我非東

牀人令姊忝齊眉浪跡未出世空名動京師

過遭雲羅解翻謫夜郎悲拙妻莫邪劍及比

二龍隨慙君湍波苦千里遠從之白帝曉猿



斷黃牛過客遲遙瞻明月峽西去益相思

齊賢

曰太白上安州裴長史書云楚有七澤遂來觀焉而許相公家見招妻以孫女便憇跡于此至移三霜則題中所謂別宗十六者疑誤也莫耶二龍劍事及白帝城明月峽見前黃牛峽隸峽州白崖間有石如人形如牛形皆黃色有黃牛廟閱其碑或云土星見形也

### 留別龔處士

龔子棲閑地都無人世喧柳深陶令宅竹暗

辟疆園我去黃牛峽遙愁白帝猿贈君卷菴

草心斷竟何言

齊賢曰菴草詩謂之卷耳爾雅謂之苓耳

### 贈別鄭判官

竄逐勿復哀慙君問寒灰浮雲本無意吹落

章華臺遠別淚空盡長愁心已摧二年吟澤

畔顛顛幾時迴

齊賢曰屈原放遊江潭行吟澤畔顛顛形容枯槁

### 黃鶴樓送孟浩然之廣陵

故人西辭黃鶴樓煙花三月下揚州孤帆遠

影碧空盡唯見長江天際流

齊賢曰黃鶴樓在邳州

將遊衡岳過漢陽雙松亭留別族第



浮屠談皓

秦欺趙氏璧却入邯鄲宮本是楚家玉還來

荆山中丹彩瀉滄溟清輝凌白虹青蠅一相

點流落此時同齊賢曰蘭相如全璧歸趙事見三卷邯鄲縣名屬趙國白

虹天也士贇曰詩箋青蠅之為虫汗白使黑汗黑使白喻佞人能變亂善惡也卓絕

道門秀談玄乃支公延蘿結幽居翦竹繞芳

叢涼花拂戶牖天籟鳴虛空憶我初來時葡

萄開景風今茲大火落秋葉黃梧桐水色蕩

沅湘長沙去何窮寄書訪衡嶠但與南飛鴻

齊賢曰高逸沙門傳支遁居會稽晋哀帝欽其風采遣中使至東遡支遁遂辭丘壑高步

天色風土記夏至景風至大火落七月也衡嶠衡嶽也

留別賈舍人至二首

大梁白雲起飄飄來南洲徘徊蒼梧野十見

羅浮秋鰲挾山海傾四溟揚洪流意欲託孤

鴈從之摩天遊鳳苦道路難翱翔還崑丘不

肯銜我去哀鳴慙不留齊賢曰歸藏啓筮曰有白雲起自蒼梧入



于大梁四溟者即四海也遠客謝主人明珠

羅浮山及崑丘事見前

難暗投拂試倚天劍西登岳陽樓長嘯萬里

風掃清曾中憂誰念劉越石化為繞指柔齊賢

曰鄒陽曰明月之珠以暗投人於道衆莫不  
按劍相視岳陽樓在岳陽城上正對君山劉  
越石詩何億百鍊  
剛化為繞指柔

其二

秋風吹胡霜凋此簷下芳折芳怨歲晚離別  
悽以傷謬攀青瑣賢延我於此堂君為長沙

客我獨之夜郎勸此一杯酒豈惟道路長割

珠兩分贈寸心久不忘何必兒女仁相看淚

成行齊賢曰師古曰青瑣者刻為連瑣文而  
青塗也士贇曰青瑣天子之門制也

渡荆門送別

渡遠荆門外來從楚國遊山隨平野盡江入

大荒流月下飛天鏡雲生結海樓仍憐故鄉

水萬里送行舟齊賢曰荆門軍有山名荆門  
蜀之諸山至此不復見矣成

都有萬里橋士贇曰史天官書海  
傍蜃氣象樓臺曠野氣成宮闕



聞李太尉大舉秦兵百萬出征東南  
懦夫請纓冀申一割之用半道病還

留別金陵崔侍御十九韻

秦出天下兵蹴踏燕趙傾黃河飲馬竭赤羽  
連天明太尉仗旄鉞雲騎繞彭城三軍授號  
令千里肅雷霆函谷絕飛鳥武關擁連營意  
在斬巨鼇何論鱠長鯨齊賢曰關中皆三秦之地漢百官公卿表  
太尉秦官應劭曰自上安下曰尉武官悉以爲稱尚書牧誓云王左杖黃鉞右秉白旄

徐州彭城郡治彭城縣唐書李光弼加太尉  
中書令兼侍中河南副元帥知河南淮東西  
山南東荆南五道節度行營事鎮泗州帝賦  
詩以餞遂疾驅入徐州朝義走寶應元年進  
封臨淮郡王函谷在唐陝州靈寶恨無左車  
縣界桃林塞武關在商州商洛縣

略多愧魯連生拂劍照嚴霜彫戈鬢謨官切  
胡纓願雪會稽耻將期報恩榮半道謝病還

無因東南征亞夫未見顧劇孟阻先行天奪

壯士心長吁別吳京齊賢曰漢書趙王陳餘

口李左車說餘絕其糧道深溝高壘勿與戰餘不聽韓信引兵出井陘口斬成安君泚水



上擒趙王歇構生得李左車者千金頃之縛  
至信解其縛而師事之魯仲連事見二卷吳  
京建康也

金陵遇太守倒屣相逢迎群公咸祖餞

四座羅朝英初發臨滄觀醉樓征虜亭舊國

見秋月長江流寒聲帝車信迴轉河漢復縱

橫孤鳳向西海飛鴻辭北溟因之出廖廓揮

手謝公卿齊賢曰輿地志秣陵新亭尤有遠望樓又名勞勞樓後改名臨滄期

### 別韋少府

西出蒼龍門南登白鹿原欲尋商山皓猶戀

漢皇恩水國遠行邁仙經深討論洗心向秋

月清耳敬亭猿齊賢曰商山四皓見前築室在人境閉

關無世喧多君枉高駕贈我以微言交乃意

氣合道因風雅存別離有相思瑤瑟與金樽

齊賢曰師古曰多猶重也

### 南陵別兒童入京

白酒新熟山中歸黃雞啄黍秋正肥呼童烹



雞酌白酒兒女嬉笑牽人衣高歌取醉欲自  
慰起舞落日爭光輝游說萬乘苦不早着鞭  
跨馬涉遠道會稽愚婦輕買臣余亦辭家西  
入秦仰天大笑出門去我輩豈是蓬蒿人

齊賢

曰朱買臣妻事見前

### 別山僧

涇縣作

何處名僧到水西乘舟弄月宿涇溪平明別  
我上山去手携金策踏雲梯騰身轉覺三天

近舉足迴看萬嶺低謔浪肯居支遁下風流  
還與遠公齊此度別離何日見相思一夜暝

猿啼

齊賢曰涇溪隸涇縣屬宣州支遁字道林遠法師居廬山東林寺士贊曰道書

自初一氣而分二氣是為三天一氣大羅天三氣清微天禹餘天太赤天即三清上清太清之三境也

### 贈別王山人歸布山

王子析道論微言破秋毫還歸布山隱興入  
天雲高爾去安可遲瑤草恐衰歇我心亦懷



歸屢夢松上月傲然遂獨往長嘯開巖扉林  
壑久已蕪石道生薔薇願言弄笙鶴歲晚來

相依

齊賢曰山海經姑瑤之山帝女死焉化為瑤草服之者媚於人

### 江夏別宋之悌

楚水清若空遙將碧海通人分千里外興在

一杯中谷鳥吟晴日江猿嘯晚風平生不下

淚於此泣無窮

齊賢曰陸羽曰楚水第一吳水第二吳水第三是謂三

分類補註李太白詩卷之十五

分類補註李太白詩卷之十六

送

### 南陽送客

斗酒勿為薄寸心貴不忘坐惜故人去偏令

遊子傷離顏怨芳草春思結垂楊揮手再三

別臨岐空斷腸

王贊曰論語久要不忘平生之言

### 送張舍人之江東

張翰江東去正值秋風時天清一鴈遠海闊



孤帆遲白日行欲暮滄波杳難期吳洲如見  
月千里幸相思

齊賢曰張翰事見前卷

送王屋山人魏萬還王屋

并序

王屋山人魏萬云自嵩宋沿吳相

送數千里不遇乘興遊台越經永

嘉觀謝公石門後於廣陵相見美

而愛文好古浪跡方外因述其行

而贈是詩

一作見王屋山人魏萬云自嵩歷充遊梁入吳

計程三千里相訪不遇因下江東尋諸名山往復百越後於廣陵一面遂乘興共過金陵此公愛奇好古獨出物表因述其行李有此詩

仙人東方生浩蕩弄雲海沛然乘天遊獨往

失所在魏侯繼大夕本家聊攝城卷舒入元

化跡與古賢并

齊賢曰東方朔暫之紫泥之海見二卷杜預曰聊攝齊西

界平原聊縣東北有攝城

十三弄文史揮筆如振綺辭折

田巴生心齊魯連子西涉清洛源頗驚人世

喧采秀卧王屋因窺洞天門謁來遊嵩峯羽



客何雙雙朝携月光子暮宿玉女牕鬼谷上

窈窕龍潭下奔淥齊賢曰東方朔書曰年十

王屋縣隸河南府有王屋山嵩山唐隸河南

登封縣鬼谷先生晉平公時人隱居鬼谷因

以為號先生姓王名剛蘇秦張儀從之學學

成歸先生與一隻履化為犬以引二子即日

到秦徐廣曰穎川陽城有鬼谷嵩山嵩陽觀

西有龍潭士贊曰魯連子曰齊之辯者曰田

巴辯於沮丘而議於稷下毀五帝罪三王一

日而服千人徐易弟子曰魯連謂劫曰臣

願當田子侯不取復說於是往見而請曰今

楚軍南趙伐高唐亡在朝夕今臣將罷南陽

之師還高唐之兵所貴談說此之謂也如先

生之言有似是者人皆惡之田巴於是杜口

易業終身不談深音叢毛詩箋 東浮汴河水

訪我三千里逸興滿吳雲飄颻淅江汜揮手

杭越間章臺望潮還濤捲海門石雲橫天際

山白馬走素車雷奔駭心顏齊賢曰浙江汜

之西越州今紹興府 遥聞會稽美且度耶溪

浙之東接亭在焉 水萬壑與千巖崢嶸鏡湖裏秀色不可名清

揮滿江城人遊月邊去舟在空中行此中久

延佇入剡尋王許笑讀曹娥碑沈吟黃綰語



天台連四明日入向國清五峯轉月色百里

行松聲靈溪咨沿越華頂殊超忽石梁橫青

天側足履半月齊賢曰世說顧長康從會稽還人問山川之美顧云千巖

競秀萬壑爭奇耶溪見前許邁移臨安入西

山改名玄義之曹娥上虞人父時迎神泳濤

而上為水所淹不得尸娥年十四乃投瓜于

江祝父在此瓜當沉旬有七日瓜沉娥遂投

江而死縣令度尚為改葬作碑蔡邕過吳讀

碑文以為詩人之倫因刻石傍作八字云黃

綉幼婦外孫蓋曰曹操與楊脩共讀之脩先

悟操行三千里方悟為絕妙好辭四字天台

賦云過靈溪而一躍僧惠虛姓陳居天台國

清寺與同侶遊山戲過石橋水峻苔滑懸流

萬仞下不見底眾皆股慄不行惠虛獨超然

而過徑上石壁外微有小徑遂見宮闕連亘

十里許其門題曰會真府左曰金庭宮右曰

同伯宮皆金樓玉牕高百餘尺孔靈符會稽

記曰赤城山眷然思永嘉不憚海路賒掛席

有石橋懸度

歷海嶠迴瞻赤城霞赤城漸微沒孤嶼前曉

兀水續萬古流亭空千霜月齊賢曰唐溫州永嘉郡謝靈運

出為永嘉守郡有各山水肆意遊遨徧歷諸

縣所至輒為詩詠以致其意故有登臨海嶠

初發強中作會稽記曰赤縉雲川谷難石門

最可觀瀑布掛北斗莫窮此水端噴壁灑素



雪空濛生晝寒却思惡溪去事懼惡溪惡咆  
哮七十灘水石相噴薄路創李北海巖開謝  
康樂松風和猿聲搜索連洞壑徑出梅花橋  
雙溪納歸潮落帆金華岸赤松若可招齊賢曰唐  
處州縉雲縣謝靈運有登石門最高頂詩又  
靈運遊名山志曰石門開六處石門遡水上  
入兩山開兩邊石壁右邊石巖下臨澗水南  
史褚伯玉錢塘人往剡居瀑布山麗水縣東  
十里有惡溪多水怪太白自註李邕昔為括  
州開此嶺路又曰惡溪有謝康樂題詩處  
州金華縣有金華山金華有赤松  
澗人見赤松子安期先生於此

沈約八評

樓城西孤岩崑崙四荒外曠望群川會雲  
卷天地開波連浙西大亂流新安口北指巖  
光瀨釣臺碧雲中邈與蒼嶺對稍稍來吳都  
徘徊上姑蘇煙綿橫九疑潏水大貌蕩見五湖  
目極心更遠悲歌但長吁齊賢曰南史沈約字休文吳郡人為  
棗陽太守郡有沈約八詠樓又有新安江水  
至清淺詩蘇州吳郡治吳縣五湖即震澤見  
前士贊曰師古曰戎狄荒服故曰四荒言其  
恍惚去來無常也蒼嶺在台州仙居縣西北  
五千里高  
五千里高  
迴繞楚江濱揮策楊子津身着日



本裘

裘則朝卿所贈日本布爲之

昂藏出風塵五月造我

語知非佻儻人相逢樂無限冰石日在眼徒  
干五諸侯不致百金產吾反揚子雲絃歌播  
清芬雖爲江寧宰好與山公群乘興但一行  
且知我愛君君來幾何時仙臺應有難東牕  
綠玉樹定長三五枝至今天壇人當笑爾歸  
遲我苦惜遠別茫然使心悲黃河若不斷白  
首長相思

齊賢曰日本去京師萬四千里

### 送當塗趙少府赴長蘆

我來楊都市送客回輕舠因誇楚太子便觀  
廣陵濤仙尉趙家玉英風凌四豪維舟至長  
蘆目送煙雲高搖扇對酒樓持袂把蟹螯前  
途儻相思登嶽一長謠

齊賢曰揚都揚州士贊曰漢書游俠傳信

陵平原孟嘗春申游諸侯者以四豪爲稱首

### 送友人尋越中山水

聞道稽山去偏宜謝客才千巖泉灑落萬壑



樹紫迴東海橫秦望西陵遠越臺湖清霜鏡

曉濤白雪山來八月枚乘筆三吳張翰杯此

中多逸興早晚向天台齊賢曰會稽記秦望山在州城正南史記

始皇登之望南海西陵與浙江亭相對乃錢塘會稽津渡處晉張翰任心自適不求當世

或謂之曰卿乃可縱遇一時偏不為身後名邪答曰使我有身後名不如即時一杯酒天

台山在台州王贊曰越臺即越王臺圖經云在種山今在卧龍之西

### 送族弟凝之滁求婚崔氏

與爾情不淺忘筌已得魚玉臺掛寶鏡持此

意何如坦腹東牀下由來志氣踈遙知向前

路擲菓定盈車齊賢曰莊子筌者所以求魚也得魚而忘筌潘安仁至美

每行老嫗以菓擲之滿車

### 送友人遊梅湖

送君遊梅湖應見梅花發有使寄我來無令

紅芳歇暫行新林浦定醉金陵月莫惜一鴈

書音塵坐胡越齊賢曰漢書帝思蘇武使謂單于天子射上林得鴈足繫

帛士贊曰陸凱與范曄相善自至南寄梅花一枝寄長安與復詩曰新梅逢驛使寄與隴



頭人自遠廻所  
有聊贈一枝春

### 送崔十二遊天竺寺

還聞天竺寺夢想懷東越  
每年海樹霜桂子  
落秋月送君遊此地已屬流芳歇  
待我來歲行相隨浮溟渤

齊賢曰錢塘諸寺天竺最盛  
山有一門南北相望而上下

### 送楊山人歸天台

客有思天台東行路超忽濤  
落浙江秋沙明

浦陽月今遊方厭楚昨夢先歸越  
且盡秉燭

歡無辭凌晨發我家小阮賢剖竹赤城邊  
詩

人多見重官燭未曾然興引登山履情催泛

海船石橋如可度携手弄雲煙

齊賢曰鄞長善水經註云

浦陽江水導源烏陽縣而經上虞縣小阮乃

籍兄熙子咸也漢書巴祗為揚州刺史在官

不迎妻子夜與士對坐暗中不然官燭謝靈

送温處士歸黃山白鵝峰舊居



黃山四千仞三十二蓮峰丹崖夾石柱菡萏

金芙蓉伊昔昇絕頂下窺天目松仙人鍊玉

處羽化留餘蹤齊賢曰黃山隸宣州圖經云

爾雅荷芙蕖其華菡萏其實蓮其根藕天目

山在臨安西五十里高三千九百丈周四八

百里乃神仙所居有三十六佩太平寰宇記

天山有兩湖若左右目故曰天目亦聞溫伯雪獨

往今相逢採秀辭五嶽攀巖歷萬重歸休白

鵝嶺渴飲丹砂井鳳吹我時來雲車爾當整

去去陵陽東行行芳桂叢迴溪十六度碧嶂

盡晴空他日還相訪乘橋躡綵虹齊賢曰白

山莊子溫伯雪舍於魯仲尼見之而不言

子路問仲尼曰夫人者日擊而道存矣

送方士趙叟之東平

長桑晚洞視五藏無全牛趙叟得秘訣還從

方士遊西過獲麟臺為我弔孔丘念別復懷

古潛然空淚流齊賢曰莊子庖丁曰始吾之

年之後未嘗見全牛也方今之時臣以神遇

而不以目視獲麟臺在魯國西士贊曰史記



扁鵲者渤海鄭人也姓秦氏名越人少時爲人舍長舍客長桑君過扁鵲獨奇之嘗謹遇之長桑君亦知扁鵲非常人出六十餘年乃呼扁鵲私坐間與語曰我有禁方年老欲傳與公公母泄扁鵲曰敬諾乃出其懷中藥與扁鵲飲是以上池之水三十日當知物矣乃悉取其禁方書盡與扁鵲忽然不見殆非人也扁鵲以其言飲藥三十日視垣見一方人以此視病盡見五臟癥結特以診脉爲名耳

### 送韓準裴政孔巢父還山

魯中

獵客張兔且不能掛龍虎所以青雲人高歌  
在巖戶韓生信英彥裴子舍清真孔侯復秀

出俱與雲霞親峻節凌遠松同衾卧盤石斧

冰漱寒泉三子同二屐

王贊曰盤大石也

時時或乘

興往往雲無心出山揖牧伯長嘯輕衣簪昨

宵夢裏還云弄竹溪月今辰魯東門悵飲與

君別雪崖滑去馬蘿徑迷歸人相思若煙草

歷亂無冬春

齊賢曰尚書周官曰外有州牧侯伯陸機演連珠曰頓網探雲

不能招龍振網羅雲不必招鳳是以巢箕之叟不眈丘園之弊洗耳之民不發傳巖之夢

此詩首四句意出於此



送楊少府赴選

大國置衡鏡準平天地心群賢無邪人朗鑒  
窮情深吾君詠南風袞冕彈鳴琴時泰多美

士京國會纓簪山苗落礪底幽松出高岑齊賢

禮記舜作五絃之琴以歌南風王贊曰三禮圖袞冕垂白珠十有二旒以組為纓色如綬鞋廣充耳玉簪導板黃金飾周制冕有紐夫子有盛才主司得

球琳流水非鄭曲前行遇知音衣工剪綺綉  
一悞傷千金何惜刀尺餘不裁寒女衾我非

彈冠者感別但開襟空谷無白駒賢人豈悲

吟大道安棄物時來或招尋爾見山吏部當

應無陸沈齊賢曰漢書王吉傳吉與貢禹為友世稱王陽在位貢公彈冠言其

取舍同也師古曰彈冠者言人仕也毛詩皎皎白駒在彼空谷山濤為吏部所甄拔人物各為題目時稱山公啓事莊子陸沈註人中隱者譬如無水而沉

對雪奉餞任城六父秩滿歸京

龍虎謝鞭策鶴鸞不司晨君看海上鶴何似

籠中鶉獨用天地心浮雲乃吾身雖將簪組



狎若與煙霞親

齊賢曰蔡衡曰凡象鳳者有五多赤色者鳳多青色者鸞

多黃色者鸚多紫色者鶯多白色者鵠此鳥多青乃鸞非鳳也季父有英風

白眉超常倫一官即夢寐脫屣歸西秦竇公

敞華筵墨客盡來臻燕歌落胡鴈郢曲迴陽

春征馬百度嘶遊車動行塵躊躇未忍去戀

此四座人餞離駐高駕惜別空慙歎何時竹

林下更與步兵鄰

齊賢曰白眉陽春白雪事並見前卷士贇曰燕歌行

古樂府名

### 魯郡堯祠送吳五之瑯琊

堯沒三千歲青松古廟存送行奠桂酒拜舞

清心魂日色促歸人連歌倒芳樽馬嘶俱醉

起分手更何言

齊賢曰兗州魯郡有堯廟王贇曰左傳心之精爽謂魂魄

### 魯郡堯祠送竇明府薄華還西京

時久

病初起作

朝策犁眉駟舉鞭力不堪強扶愁疾向何處

角巾微服堯祠南長楊掃地不見日石門噴



作金沙潭笑誇故人指絕境山光水色青於

藍齊賢曰爾雅黃馬黑喙曰騮廟中往往來擊鼓堯本無

心爾何苦門前長跪雙石人有女如花日歌

舞銀鞍繡轂往復迴簸林蹶石鳴風雷遠煙

空翠時明滅白鷗歷亂長飛雪紅泥亭子赤

闌干碧流環轉青錦湍深沉百丈洞海底那

知不有蛟龍蟠齊賢曰西京雜記晉靈公家甚瑰壯四角以石人男女四十餘皆

立侍君不見綠珠潭水流東海綠珠紅粉

沈光彩綠珠樓下花滿園今日曾無一枝在

昨夜秋聲閭闔來洞庭水落騷人哀遂將三

五少年輩登高遠望形神開生前一笑輕九

鼎魏武何悲銅雀臺齊賢曰石崇綠珠事見前卷魏志注建安十五年

年冬作銅雀臺士贊曰王褒四子講德論商歌下注曰商秋聲也淮南子天文訓曰涼風

至四十五日閭闔風也我歌白雲倚牕牖爾聞

其聲但揮手長風吹月度海來遙勸仙人一

杯酒酒中樂酣宵向分舉觴酌堯堯可聞何



不令臯繇擁篲橫八極直上青天揮浮雲高  
陽小飲真瑣瑣山公醕酏何如我竹林七子  
去道賒蘭亭雄筆安足誇堯祠笑殺五湖水  
至今憔悴空荷花爾向西秦我東越暫向瀛  
洲訪金闕藍田太白若可期為余掃灑石上  
月齊賢曰徐陵有白雲出嶠篇師古曰葇所  
以掃也山公醕酏竹林七賢事見前王羲  
之蘭亭序曰永和九年歲在癸丑暮春之初  
會于會稽山陰之蘭亭東越會稽也漢志三  
神山上黃金銀為宮闕唐京兆府藍田縣范  
子計然曰王英出藍田太白山在武功縣南

去長安三百里士贊曰爾雅曰瑣瑣小也

### 金鄉送韋八之西京

客自長安來還歸長安去狂風吹我心西掛  
咸陽樹此情不可道此別何時遇望望不見

君連山起煙霧

齊賢曰漢志長安縣高帝五年置惠帝子年初城六年成

戶八萬八百士贊曰太白此詩因別友而動懷君之思可謂身在江海心存魏闕者矣

### 送薛九被讒去魯

宋人不辨玉魯賤東家丘我笑薛夫子胡為



兩地遊黃金消衆口白璧竟難投梧桐生疾

藜綠竹乏佳實鳳凰宿誰家送與群雞匹賢齊

曰宋人得燕石以為寶事見前魯人不知孔子以為是東家丘顏師古曰美金見毀衆共

疑之數被燒煉以至銷鑠又曰夜光之璧以闇投人於道莫不按劍相眈詩箋云鳳凰之

性非梧桐不栖田家養老馬窮士歸其門蛾

眉笑甃音壁不者賓客去平原却斬美人首

三千還駿奔齊賢曰田子方見老馬於道問其御者曰公家之畜罷而不用

出而鬻之子方曰少盡其力老棄其身仁者不為也以束帛贖之史記平原君家樓臨民

家民家有甃者槃散行汲平原君美人居樓

上臨見大笑之明日甃者至門請曰臣不幸

有罷癘之疾而君之後宮笑臣臣願得笑者

頭平原君笑應曰諾甃者去君笑曰此豎子

乃欲以一笑之故殺吾美人不亦甚乎居歲

餘賓客稍稍引去平原君怪之門下一人前

曰以君之不殺笑甃者以君為愛色而賤士

即去耳於是君乃殺笑甃者美人頭自造門

謝焉門下乃毛公一挺劍楚趙兩相存齊賢曰史

秦圍邯鄲趙使平原君求救合從於楚約與

食客文武備者二十人借得十九人餘無可

取者有毛遂自薦曰願備員而行平原君與

楚合從言其利害日出而言之日中不決毛

遂按劍歷階而上曰白起小豎子耳率數萬

之衆與楚國戰一戰而舉鄢郢再戰而燒夷



陵三戰而辱王之先人此百世之怨而趙之  
所羞而王不知惡合從者為楚非為趙也楚  
王曰唯唯謹奉社稷以從遂謂楚王之左右  
曰取雞狗馬之血來遂奉銅盤而跪進之楚  
王曰王當歎血定從次者吾  
君次者遂遂定從於殿上  
**孟嘗悅狡兔三窟**  
齊賢曰史記孟嘗使馮諼收責於  
到齊孟嘗君見之曰責畢收乎曰收畢矣以  
何市而反諼曰君云視吾家所寡有者臣竊  
計君所寡者義耳竊以為君市義君不說其  
年孟嘗君就國於薛民扶老携幼迎君道中  
君顧馮諼曰先生所為文市義者乃今日見  
之諼曰狡兔有三窟僅得免其死今君有一  
窟未得高枕而卧也請為君復鑿二窟乃西  
遊梁謂惠王曰齊放孟嘗君諸侯先迎之國

富而兵強於是惠王遣使聘孟嘗君梁使三  
反齊王聞之遣太傅謝君曰寡人不祥沉於  
謫諛之臣聞罪於君寡人不足為也願君顧  
先王之宗廟反國統萬人乎諼戒君曰願請  
先王之祭器立宗廟於薛廟成還報君曰三  
窟已就君姑高枕為樂矣君為相數十年無  
纖芥之禍  
**信陵奪兵符為用侯生言**  
史記魏  
公子無忌用侯生計矯  
晉鄙兵救趙事見三卷  
**春申一何愚勿首為**  
**李園**  
齊賢曰史記楚人李園進女弟於春申  
使說君曰今妾有身而人莫知誠以君之重  
進妾於楚王王必幸妾賴天有子男則是君  
之子為王也楚國盡可得君大然之乃出園  
女弟謹舍而言之楚王王召入幸之遂生子



男立為太子以園女弟為皇后楚王貴李園  
園用事恐春申君語泄欲殺以滅口而國人  
無有知者後楚考烈王卒李園果先入伏死  
士於棘門之內春申君入棘門死士刺君斬  
其頭投之棘門外使吏盡滅君之家  
而李園女弟所生子者遂立為幽王賢哉四  
公子撫掌黃泉裏借問笑何人笑人不好士  
爾去且勿誼桃李竟何言沙丘無漂母誰肯  
飯王孫齊賢曰史記沙丘在鉅鹿此沙丘當  
在魯韓信漂母事見前士贊曰按此  
四句乃是總上之意蓋取平原孟嘗信陵得  
士而用其言故卒能自保幾春申君不能用  
朱英之言而卒受李園之禍故詩中有春申  
一何愚之語也國策曰春申君相楚二十

年考烈王病朱英謂春申君曰世有無妄之  
福又有無妄之禍今君處無妄之世以事無  
妄之主安不有無妄之人乎春申君曰何謂  
曰君相楚二十餘年矣雖名為相國實楚王  
也五子皆相諸侯今王疾甚旦暮且崩太子  
衰弱疾而不起而君相少主因而代立當國  
如伊尹周公王長而反政不即遂南面稱孤  
因而有楚國此所謂無妄之福也李園國舅  
也不為將兵而陰養死士之日久矣楚王崩  
李園必先入據本議制斷君命乘權而殺君  
以滅口此所謂無妄之禍也君先仕臣為郎  
中王崩李園先入臣請為君刺其胷殺之此  
所謂無妄之人也春申君曰先生置之勿復  
言且李園軟弱人也僕又善之則何至此朱  
英恐乃亡去後十七日  
考烈王崩果懼其禍



單父東樓秋夜送族弟沈之秦時疑在席

爾從咸陽來問我何勞苦  
沐猴而冠不足言  
身騎土牛滯東魯  
沈弟欲行凝弟留  
孤飛一鴈秦雲秋  
坐來黃葉落四五  
北斗已掛西城樓  
絲桐感人絃亦絕  
滿堂送君皆惜別  
卷簾見月清興來  
疑是山陰夜中雪  
明日斗酒別惆悵  
清路塵遙望長安  
日不見長安人  
長安宮闕九天上  
此地曾經為近臣  
一朝復一朝

髮白心不改  
屈原憔悴滯江潭  
亭伯流離放

遼海折翩翩  
飛隨轉蓬聞弦虛  
墜下霜空聖

朝久棄青雲  
士他日誰憐張長公齊賢曰太

翰林故曰近臣士贊曰崔亭伯忤竇憲出為長岑事見十卷白此詩瞻顧宗國之意深矣

送族弟凝至晏堦單父三十里

雪滿原野白  
戎裝出盤遊  
揮鞭布獵騎  
四顧

登高丘  
兔起馬足間  
蒼鷹下平疇  
喧呼相馳

逐取樂  
銷人憂  
捨此戒禽荒  
微聲列齊謳  
鳴



雞發晏堦別鴈驚涼清西行有東音寄與長

河流齊賢曰書盤遊無度又曰外作禽荒說文謳歌也

魯城北郭曲罾桑下送張子還嵩陽

送別枯桑下凋葉落半空我行憊道遠爾獨

知天風誰念張仲蔚還依蒿與蓬何時一杯

酒更與李膺同齊賢曰三輔決錄張仲蔚平陵人所居蓬蒿之下士贇曰

太白以仲蔚比張子而以李膺自比耳

分類補註李太白詩卷之十六



